



**KENYATAAN MEDIA CO-OPBANK PERTAMA**  
**7 SEPTEMBER 2023**

**CBP BAKAL LEBAR SAYAP DI SABAH DAN SARAWAK**

---

1. Co-opbank Pertama (CBP) akan meluaskan lagi cawangannya di Borneo dengan membuka tiga buah lagi cawangan di Sabah dan Sarawak.
2. Tiga cawangan tersebut adalah di Matang Jaya dan Miri, Sarawak dan sebuah lagi cawangan di Sandakan, Sabah.
3. Ketua Pegawai Eksekutif CBP, Khairil Anuar Mohammad Anuar berkata, ketigatiga cawangan tersebut dijangka akan dibuka pada suku keempat 2023.
4. "Pembukaan ketiga-tiga cawangan ini adalah untuk memenuhi keperluan masyarakat setempat dan kita melihat CBP mampu untuk memenuhi keperluan masyarakat di cawangan-cawangan baharu kita.
5. Di Sarawak, CBP akan membuka dua buah cawangan lagi iaitu di Matang Jaya dan juga di Miri yang menjadikan CBP mempunyai tiga buah cawangan di negeri ini selepas cawangan pertamanya adalah di Jalan Kulas, Kuching.
6. "Sementara itu, di Sabah pula, cawangan ketiga akan beroperasi di Sandakan selepas mempunyai cawangan di Kota Kinabalu dan Tawau. Kita juga masih mengkaji untuk membuka satu lagi cawangan di kawasan Penampang," katanya menerusi satu kenyataan, hari ini.
7. Tambahnya lagi, pembukaan cawangan-cawangan baharu ini merupakan salah satu strategi CBP untuk membawa produk dan perkhidmatan perbankan secara terus kepada penduduk di Sabah dan juga Sarawak," katanya.
8. "Pembukaan cawangan-cawangan ini juga selari dengan Pelan Strategik CBP 2022-2026 di mana kita mensasarkan untuk mempunyai 36 buah cawangan di seluruh negara dapat dicapai," jelasnya.
9. Beliau berkata lagi, CBP juga menunjukkan prestasi perniagaan yang cemerlang dua tahun berturut-turut jika mengatasi purata pencapaian industri walaupun berdepan dengan kelembapan ekonomi.

10. "Dengan prestasi yang memberangsangkan ini, CBP kini berada di landasan yang betul untuk mencapai dan memenuhi sasaran yang telah ditetapkan di dalam Pelan Strategik 5 Tahun CBP," katanya.

11. Dalam masa yang sama, Khairil Anuar turut berkata, CBP akan terus memperkenalkan beberapa produk dan model perniagaan baharu bagi memenuhi keperluan anggota serta pelanggan CBP.

**-TERIMA KASIH-**

**Mengenai Co-opbank Pertama**

**Mengenai Co-opbank Pertama**

Co-opbank Pertama (CBP) telah ditubuhkan pada 7 Jun 1950. Pada September 2014, CBP telah diiktiraf oleh Suruhanjaya Koperasi Malaysia dan Bank Negara Malaysia sebagai sebuah co-opbank. CBP mempunyai 30 buah cawangan dan outlet Ar Rahnu di seluruh negara termasuk Sabah dan Sarawak. CBP menawarkan pelbagai produk perbankan patuh Syariah termasuk perkhidmatan Ar-Rahnu. Untuk maklumat lanjut, sila layari [www.cbp.com.my](http://www.cbp.com.my).

**Untuk maklumat lanjut, sila hubungi**

**Unit Komunikasi Korporat, Co-opbank Pertama**

[ukk@cbp.com.my](mailto:ukk@cbp.com.my)

**Khairil Anuar Mohammad Anuar, Ketua Pegawai Eksekutif CBP**

